



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXVII.

urn:nbn:de:hbz:466:1-42840

postulabatque vt ipsi quoque erga D^{NI} parentem, deuotionem maiorem & pietatem impetrarent, ac sanctum è præsentè vita decessum.

561 Angelicâ salutatione attentè recitatâ vtendum ad expugnandos animos duriores. Expertus id hoc anno est illustrissimus Toparchæ germanus Nouodomi, qui hæresim tam altè imbiberat, vt de religione Catholica nihil ad aures vellet admittere. Huic animo expugnando Deiparam præfecit is de Societate qui adolescentis erat magister. Quare adolescenti tandem persuasit, vt *Aue MARIA* Regina cæli corde attento recitaret. Fecit; & mox animo diuinæ Virginis ope subactò Catholicæ fidei manus dedit.

Salutatione Angelica corda expugnare.

562 In Collegio Gaditano reductis ad fidem, alijs vnus Puritanus hærebat in hæresi obstinatus. Exarsit Pater de Societate quidam ipso B. V. Assumptæ die; & Quinam pateris, inquit, ô Angelorum Regina, peccatorum refugium, vt eo ipso die quò tu gloriosa cælos ascendis, miser hic & infelix ad dicatur supplicijs sempiternis? Non ita, Domina, Mater misericordiæ: fac potius vt hic etiam eam quam reliqui, veritatis & salutis viam ingrediatur. Res mira! Vix Pater verba finierat, cùm ille lachrymis vbertim manantibus ad fidem conuersus est.

Pro hæreticis illam orare.

ANNO MDCXVII.

563 P. Aegidius Schondoncus 29. Ian. hoc anno migravit è vita. Magno ingenio, dexteritate, facilitate, solertiâ, gratiâ cultum Deiparæ prouehabat vbique, ac potissimum in iuuentute quam regebat. *Aue MARIA* ad singulas horas religiosè recitare tam sanctè consueuerat, vt nulla vllius quocum loqueretur authoritas, nulla humani vllius negotij

Aue Maria ad singulas horas constanter recitare.

necessitas illum ab eo more potuerit retardare. Abrumpebat, & MARIAM verbis Angelicis persalutabat, monitore horologio, indulgentijs, & constantissimâ erga Deiparam pietate ad id inductus. Idem *psal. 155.* suadebat olim Bonaventura, Sanctus hortator, vt perseveranter id agamus; *Glorificabo eam quamdiu vixero. Nolite cessare à laudibus eius, & per singula momenta recogitate illam.*

ad Lect. tom. 2. 111. 3. P. 564. P. Franciscus Suarez hoc anno, magnâ sanctimoniam non minoris quàm doctrinâ famâ extinctus, ait se in ijs quæ de B. V. scribit, longius disputatione suâ progressum, quàm videretur consuetudo scholastica postulare. Ecquis enim, inquit, tam erit in dicendo ieiunus, vel in scribendo inops, vt de amplissima dignitate, de moribus excellentissimis, de admirabili vitâ, & gratiâ Beatissimæ Virginis dicturus, breui id, & compendioso sermone percurrat? Mihi profectò hoc in genere sapè visa est Theologia nostra (vt modestè dicam) brevis admodum, & concisa; cum materiæ dignitas & amplitudo cum summa voluptate, eruditione, atque utilitate coniuncta longè aliud à viro Theologo postulare suo veluti iure possit. De Beatâ ergo Virgine egimus vberius. Omitto nunc multa planè quæ Suarez ingenium elucubrauit gloriæ Dei Matris. Celebris est illa ab illo dum Theologia rude donaretur absolutus Theologia auditor in thesibus propugnata, & magno cum plausu accepta, postea que impressa, latèque confirmata sententia: *ibid. disp. 28. sect. 4.* B. Virginem consecutam esse plures gradus gratiæ & charitatis quàm sint in omnibus Sanctis hominibus, & Angelis, etiam collectiue sumptis. Itaque si mente concipiamus ex multitudine gratiarum Sanctorum omnium unam intensissimam gratiam consurgere, non adæquaret intentionem

fronem gratiæ Virginis . Ita Suarez . Et eadem
 latè probat . Quocirca hyperduliæ cultu colenda
 est , id est , reuerentiâ non latitiæ , aut adorationis
 quâ DEVM adoramus , sed inferiore ; nec duliæ , quâ
 Sanctos veneramus , sed superiore : tanquam crea-
 tura solo creatore DEO minor . Vnde S. Anselmus
 ait se quomodocunque & saltem lippienti oculo cordis
 anhelare , vt contempletur supereminentem omni quod
 post hominem DEVM creatum est , excellentiam Beatæ
 Matris DEI . Ipse certè Suarez festis Deiparæ diebus
 duas ante sacrum horas dabat rebus suis , cum Dei-
 para conferendis . Semper coram illius imagine
 studebat : & si quid dubitationis incideret , flexis
 genibus illâ consultrice utebatur . In veteri de B. V.
 cantico *Aue MARIA, clemens, & pia, &c.* Beatissima
 Virgo vocatur *Kalendarium, habens omnium Sancto-
 rum merita* . Idcirco S. Aug. ait ingenio ad maiesta-
 tem hanc experrecto : *Venerabile est mihi, Domine, &
 præcordijs meis reuerendissimum de Matre Filij tui loqui.*

*de excel-
 lent. Glo-
 riosissime
 V. M. c. I.*

*Marches.
 Diarij I.
 May.
 tom. 9. ini-
 tio lib. de
 Ass. B. V.*

565. Singularem efficacitatem ac fiduciâ ad omnes
 SS. & ad B. V. potentissimam opem recurrere do-
 cent ea quæ scribit P. Suarez . Excerpto ea quibus
 concludit eam tractationem quomodo B. Virgo
 nunc etiam in cælo existens , ad nostram salutem
 cooperetur pro nobis intercedendo . Ait ergo eius
 intercessionem esse omnium efficacissimam . Imò,
 inquit, existimo à B. Virg. in hac potestate , & effi-
 cacia , non solum Sanctos singulos ; sed omnem
 etiam cælestem curiam superari . Itaque si cogita-
 tione fingamus B. Virginem aliquid postulare , to-
 tamque curiam cælestem illi resistere (sicut apud
 Daniele vnus Angelus alteri resistebat) potentior
 esset , maiorisque efficacitæ , & valoris apud DEVM
 Virginis , quàm reliquorum Sanctorum omnium .
 ora .

*disp. 23.
 sect. 2.
 B. V. po-
 tentiorem
 omnibus
 SS. vene-
 rari.*

oratio . Ita ille . Quid ergo nobis de salute nostra sperare non licebit , si cultui Deiparæ cultum SS. omnium adiungamus ? Poterunt omnes Sancti , poterit Regina SS. omnium suæ orationis efficacitate id quod nos imbecillitate nostrâ non possumus obtinere . Et par est nos ad id , quippe summè necessarium , extremis viribus enixè conniti , adeoque omnes Cælites cum sua Reginâ ad DEVM supplices destinare , vt nos illis inserti postea pro alijs supplicemus . Dicamus hîc id quod S. Ioseph in Menais dixit : *O Angelorum , & hominum decus ! illorum denique omnium salus quotquot assiduis tibi vocibus regulantur , & plaudunt .* Plura in eius tomis de B. V. vita , & cultu reperies ; vt & in P. Gabriele Vasquez , alijsque nostris Theologis .

A. Ian.

*Affectus
Angelicæ
Salutationis
expendere.*

lib. 1. col.

152.

col. 753.

566 P. Iacobi Alvarez romus 3. hoc anno Lugduni editus tractat de affectibus salutationis Angelicæ prolixè ac sanctè ! Affectus excitat congratulationis , reuerentiæ , exultationis , admirationis , laudationis , amoris CHRISTI , inuocationis , petitionis . Elegans , & legi digna Lucubratio . Postea de Regina Ecclesiæ MARIA meditari incipit , ac singula eius vitæ mysteria particulatim , & facili ad praxim modo expendere . In fine omnium meditationum Societatem illi vnicè tenerèque commendat , tanquam congregationem quam ipsa ab initio possedit ; vtque illam ab omni malo , præsertim relaxationis , defendat , rogat . Virtutes ab ipsa petendas notat col. 1034. & modum petendi exhibet .

obijt 1617

Immacu-

late Con-

ceptionis

B. V. myste-

rium ma-

gnoperè

amare.

567 Alphonsus Rodriquez aiebat CHRISTO placere plurimum , de Immaculatæ Conceptionis mysterio præclare sentire ac loqui . Etiam hunc in finem institutam à DEO Societatem IESV : multum omninò id conferre ad animas ad DEVM adducendas :

das: esse magnum præsidium puritatis, & fidele
pignus certi patrocini MARIANI NOS nullâ in re
deserturi. Audiamus illud S. Bonaventuræ canen-
tis: *Sperate in illa, religiosi, delectamini in laudibus illius: & exaudiet petitiones cordis vestri.* psal. 36.

568 Idem Alphonsus in cænaculo statim DEO
offerebat quæ apponebantur edenda. Tum Matri
Deiparæ bonas illis in purgantibus flammis animas
commendabat, incredibili haustâ interea à DEO ac
Deipara voluptate; quam esuriebat & sitiebat præ
omni ciborum lautitiâ. S. Bonaventura sic orat:
*Concupiscentiam supernorum accende in cordibus nostris,
& de gaudijs paradisi velis nos recreare.* psal. 154.

In mensa
illam co-
lere.

Incit. nu.
159. 160.

psal. 154.

Christo se
per B. V.
commen-
dare ante
exeundâ
Domo.

569 Alphonsus Rodriguez domo egressurus, se
CHRISTO in Eucharistia abscondito enixè commen-
dabat: petebatque statim emori antequam domo
exiret, si egressus ille, tametsi obedienter, non vanè,
susceptus, diuinæ gratiæ iacturam aliquam esset al-
laturus. Ut autem suas apud IESUM preces per
MARIAM faceret efficaces, addebat semper: *Mon-
stra te esse Matrem! Sumat per te preces. Qui pro no-
bis natus. Tulit esse tuus.* Quò meliores sumus, eò
minùs nobis fidimus, eòque magis illam quærimus
ut nos custodiat dum foris extra domum, velut in
Ægypti tenebris, obedientiæ iussu versamur. An-
nue, aiebat sanctus licèt, de se tamen valdè folicitus
Ioannes Damascenus, *annue ò castissima, Virgo bene-
dicta, ut tenebricosa anima mea splendoribus tuis illumi-
netur: & mentis meæ tempestatem compeste, & cordis du-
ritiam euelle, & à maligni scandalis libera me.* m. s. ser. 5.
ode 5.

570 Idem Alphonsus cum se MARIÆ manci-
pium gloriaretur, nullam sibi elabi horam sinebat,
quin illam coleret. Dolebat quothoris de hora
præterita frigidè elapsa: si quid à se non benè in-
illa.

Singulis
horis illam
colere.

illa gestum deprehendebat, Sanctum eius horæ protectorem vnà cum Deiparente Virgine deprecabatur, & vocabat in auxilium ad veniam & emendationem à DEO obtinendam. Nocturnis quoque horis singulis excitabatur ad B.V. salutandam; nec vnquam salutare illam omisit. Ad hoc nos inuitat S. Bonauentura his verbis: *Delectetur cor vestrum in salutatione eius.*

etiam nocturnis, dñ expurgisce ris. ps. 32.

571 Idem Rodriguez id sibi arctè præceperat, & adnotauerat in libello, vt in CHRISTI & B.V. honorem alios etiam honoraret: & verò accuratè seruabat. Vnde quia sæpè ad IESVM, ad MARIAM, ad Sanctos aspirabat, dum pulsari ad portam aperientem audiret, dum aperiret, dum omnes cum reuerentia, & modestia (tanquam IESVM ipsum & MARIAM) alloqueretur stupendis aliàsque narratis è cælo delicijs est perfusus. Hoc agamus: & omnes tanquam vnà nobiscum sub augusto Deiparæ pallio habitantes, honore amoreque complexi, Societatis vniuersæ nomine dicamus illud Ecclesiæ: *sicut letantium omnium nostrum habitatio est in te, Sancta Dei Genitrix.*

Honorare alios in honorem Christi, & B.V.

Incitam. n. 161. vsque ad 174. in offic. de B.V. nocturni 2. antiph. 3.

Optare, & petere pati

Taculatorijs vti.

orat. 1.

orat. 1.

orat. 1.

572 Nec securus, aut solidus est amor si pati non vult: & pati, res est acerbissima, si non ames. Alphonso Rodriguez sæpè in os de corde prorupiebant familiaria illa verba: *IESVS MARIA, dulcissimi mei amores! Patiar ego, moriar ego vestri amore. Vester sim totus, & nullo modo meus, atque si nihil essem. Digna est amari illa, vt Beatam Virginem vocat S. Isidorus Archiep. magnificentissima pulchritudo. Digna est vt pro illa, & faciamus magna, & feramus.*

573 Incredibile est quantis lætitijs illiquefactum Alphonsi cor circumfluxerit ad benè introspecta in cælum assumptæ diuinæ Matris gaudia, & trium-

triumphos. Nos illi ne gratulari quidem scimus, aut sufficimus. Ergo cum Alphonso cælum ingressi, Angelorum ac Sanctorum plaudentium illi lætitiã offeramus; petamusque ut simus digni qui cum illis ei æternũ gratulemur. Petamus cum S. Ioanne Damasceno: *Boni Filij tui charitate perfecte institue me. Cum tempus dissolutionis misera animæ meæ institerit; precor te, ut à demonum manibus eripias eam, & saluam DEO repræsentes, ut possim te beatificare.*

Ei gratulari, & cœli totius gratulationem illi offerre.

m. s. fer 5. ode 7.

574 Magnus amandi Dei Matrem stimulus est, quod quò illam plus amabis, eò semper sis plus amandus ab illa: cum se amando illa superari non sinat. Hoc sibi mirè persuasum penitus in animo defixerat Alphonfus; eique sudorem suum, aliquando sudans, dedicabat. Idem agamus flagranter. Etenim, Quid nos, inquit Augustinus, quid nos tantilli, quid actione pusilli, quid in eius laudibus referemus, cum si omnium nostrum membra verterentur in linguas, eam laudare sufficeret nullus? Addamus & hoc: si omnium nostrum membra verterentur in corda, eam amare sufficeret nullus.

Excit. nu. 163. 164.

to. 10. f. 2. de Ass. B. V.

575 Vehementer ad summa sanctitatis æstuantis Alphonso Rodriguez vox interna dixit; Lentiùs ageret, lentè festinaret; ne se periculo omnia postea omittendi exponeret. Exhorruit ad ista dubius ac timens. Tum omnem illum mærorem, Deiparæ commendavit, ut ipsa prouideret. Et verò magnis ab illa cordis ignibus ad maiora est inflammatus. Hic mihi audire iterum videor S. Io. Damascenum, dicentem: *Vitis diuina, quæ florens botrum speciosum protulisti tribuentem omnibus diuinum animæ feruorem; libera. o Virgo, animam meam ab acerbo casu meo, & à passionum ebrietate, atque ab igne perenni.*

Contra tepidas cogitationes illam implorare.

m. s. Sabb. ad vesp. ode 5.

Qe

Idem

*Impedi-
menta orā
di per illā
tollere.*

*na. s. Domi-
nica. ad
vesp.*

*Cordis cu-
ram illi
dare.*

*Incit. nu.
166.*

ibid. ode 1.

*In litibus
ad B. V.
recurrere.*

576. Idem Rodriguez quoties ad orandum se componebat, dolores perferentibus, qui una cum oratione, acerrime illum urgere incipiebant, illa finita cessabant. Cum ad orandum pulsaretur; signum id erat ad dolores toto corpore increbrescentes, & statim ab orationis fine finiendos: id quod ille per decennium perpeffus est. Adde quod totis noctibus sibi concidi veluti nouaculam videbatur. Stomachus, calculus, colica miserum cruciabat; ille tamen letum se illis frui dixit Rectori, neque sine illis letum victurum: velle se hoc igne dolorum fieri holocaustum diuinae voluntatis. moxque adiutus, experientia doctus est veritatem illius sententiae, quam S. Ioannes Damascenus pronunciauit: *O flumen totius bonitatis ex paradiso procedens*. In hoc flumine absorbeantur dolores nostri.

577. Inter orandum, sui cordis curam Dei Matri saepissime commendabat Alphonsus Rodriguez, & illud caelestium voluptatum torrente plenum sensit. Nempe illa ubi pectus impleuit, fidelem cordis nostri curam habet, ut illud impleat bono. IESU. Huius sanguine ab illa sibi cor elui orans S. Ioan. Damascenus ita precatur: *Aspersione diuini sanguinis ex diuino Filij tui latere effusi, ablue, o casta, cordis mei vulnera; ut magnificem te, & debita ratione glorificem te.*

578. Grauis Maioricensi Collegio mota litis erat. Iam Iudicis aures impleuerat, & contra nos inclinauerat pars aduersa. Precari, & in manus MARIAE litem totam deponere aggressus Alphonsus Rodriguez, dixit, se sperare felicem litis euentum, si Iudex clare de rei aequitate doceretur. Iam appetebat hora sententiae, nec opportunum erat firmiter iam in Iudicis mentem infixam reuellere. Itum

tamen, & faciles capacesque ad audiendum reperta
 aures Iudicis, qui pro nobis feliciter pronunciauit.

Præclare non magis quam verè Leo ille Imperator
 Philosophus: *Nil boni non aduenit te consulente:*

& nihil mali non aufugit te defendente.

*in Mariali
 Marraccij
 orat. 6.
 p. 107.*

579 Idem Alphonfus cum pro se, ac ijs fratri-
 bus qui recepto more vnà diuinæ mensæ accumbe-
 bant ardenter auxilium DEI Matris, & Iosephi spon-
 si, & Ioachimi Patris, ac Annæ Matris, omniumque
 Beatorum exposceret, id sibi ad ea mysteria multò
 augustius percipienda sensit esse admirabili adiu-

*Ante com-
 munionem
 illius &
 parentum
 eius opem
 petere.*

mento. Leo ibid. *Lucerna perpetuo lucens, nunquam
 extingueris. Tu nutris nos pane viuifico, qui fuit ex
 tua massa confectus.*

*Incit. nu.
 168.*

Deinde à percepto diuinissimo
 sacramento, SS. Ambrosij, & Augustini hymno,

*Te DEVM laudamus DEVM laudabat: quiescebat ar-
 cano in silentio consopitus, ibique se iam Matri, iam
 Filio dulcissimè commendabat. Videtur ibi Al-
 phonfus IESVM inter ac MARIAM medius agere id
 quod laudatus aliàs S. Ildephonfus dixit: Ego ut sim
 seruus Filij eius, hanc mihi dominari præopto: ut domine-
 tur mihi Filius ipsius, huic seruire decerno.*

*lib. de
 Virg. B. V.
 c. 12. col.
 263.*

580 Eo die quo Nives S. MARIE Maioris cele-
 brat Ecclesia, & pretiosior Ecclesiæ portio: MARIÆ

*Festum S.
 Mar.
 Mai. co-
 lere.*

clientes, Alphonfus Rodriguez mirâ erga cælestem
 Virginem fiducia se persensit accendi, quare illi se
 donauit totum, vt totus MARIÆ viueret. Ab eo
 tempore singularis MARIÆ semper liberalitas appa-
 ruit erga Alphonsum, tanquam in rem suam, siue
 oraret, siue aliud ageret. Meritò Bonauentura:

Domina, benedicta sit dulcedo misericordie cordis tui.

ps. 8.

581 Alphonfus Rodriguez cum se reddendis
 DEO gratijs imparem videret, omnem beneficiorum
 à DEO in IESVM, in MARIAM, in Angelos, in omnem

*Gratias
 per illam
 Deo agere*

cæli aulam effusorum cumulum, in gratiarum actionem DEO, ardens & gaudens offerebat: vt veli sic tantum in gratiarum actione redderet quantum illi acceperant. Certè Rex Dauid in psalmis, & tres pueri, *Benedicite omnia opera Domino* canentes, omnia quæ creauit DEVS ad illum laudandum inui-

tom. 5. h. 1.
in c. 1.
Matth.

tant. MARIA, teste S. Ioanne Chrysofomo, *speciosior, & dignior facta est quàm totus mundus*. Omnem ergò illam illius dignitatem & pulchritudinem ad gratias DEO agendas inuitemus, dicamusque: *Magnificet anima MARIÆ, pulchritudo, dignitas, maiestas, Virginitas, Maternitas, & omnis gratia gloriaque MARIÆ Dominum: quia fecit illi magna qui potens est.*

obiit 1617
15. Sept.
Bononia.
Sab. ieiunio illam colere.
ser. m. s. in Hypapantem.

582 P. Octavius Nauarola regendi artibus insignis, humilitate colebat Deiparam; & maternam quamdam suauitate suos regebat. vnde crebrò in ore illi illud: *Patres mei, plus charitatis, & minus auctoritatis volo.* Sabbato, eiusdem diuinæ Matris amore, vesperi ab omni cibo penitus abstinebat. S. Ioannes Chrysofomus: *Nunc, ait, Matri Domini vos addicite.*

Osculari manus B. Virginis, vt Matr.

Paruulos docere.

Oculos mortificare.

583 Thomas Stilintonus 15. Sept. in Messanenfi tirocinio extinctus est. Hic (vt boni filij solent) Diuinæ Matris manum in eius imagine magnam cum reuerentiâ osculabatur identidem pro signo reuerentiæ, ac amoris. Optabat paruulos plurimos docere modos colendi Deiparam. Plenam augustæ pompæ ac pietatis supplicationem, quâ in vigilia Assumptæ Deiparæ, theatrum eiusdem ac triumphos apparatione longè nobilissimam exhibere solet Messana Vrbs Deiparæ amantissima, cum etiam Nouitij & loco opportuno spectarent (tanquam rem valde idoneam ad voluntates erga Deiparam inflammandas) non spectauit Thomas; vt Deiparæ offerret hoc.

hoc sacrificium oculorum, & piæ iucunditatis quam inde erat haustus. Nempe in illa suas habebat delicias, quam vetus Missalis Tornacensis hymnus ita salutatur: *Specula consilij, Organum letitiæ, conclave subsidij; Orbis sustentaculum, caeleste spectaculum, Gratiarum legio.*

Parnass
Mar pag.
306.

ANNO MDCXVIII.

584 P. Julius Mancinellus in vigilia B. V. Assumptæ, hoc anno extremum diem obiit. Is cum iam 67. ætatis, & 44. initæ religionis anno ab impuris imaginibus gerneret anxius animi nullâ vnquam gravis noxæ labe fædatis, SSS. Trinitatem rogauit, vt ab ijs liberaretur. Pudebat illum vehementissimè à sordibus illis affligi. Tum ad Virginem (vt habet eius vita) conuersus, non solummodo vires hausit, ad sordes illas semper facilius, & cum lucri sancti accessione vincendas, verum plenam etiam ad longum tempus ab ijs nactus est libertatem. S. Ioan. Damascenus, fæda hæc idola per illam vult expugnare. *O mons diuine, ait, ex te abscissus est lapis ille qui idolorum simulacra contriuit: anima mea idola expelle, deiiciens carnales meos affectus, totum me fac spiritualem.*

Pro puritate illam
colere.

m. f. Dom.
ode 7.

585 P. Iacobus Rhem Ingolstadij 12. Octob. hoc anno obdormiuit felix. Hic magno Deiparæ cultu celebris vir, Ingolstadij in inclyto illo S. Ignatij Episc. Martyris conuictu, *Colloquij Sodalitatem*, erexit; quæ pro instituto haberet cælestem Dominam, appositis suo tempore de illa colloquijs honorare. In huius cœtus sacello aderat aliquândo Iacobus Litanij Virgineis, & erga augustam Matris admirabilistitulum exarsit: ac multâ è cælo voluptate manans, erumpensque in medium, præcepit vt iterum ac tertio *Mater admirabilis, Mater admirabilis* cantaretur.

De illa
colloqui.

Inciit. nu.
177.